

曩

雲

閣

集

曇雲閣外集

吳縣 曹楙堅 良甫

風懷二百韻

有序

香匳昉自韓偓玉臺編於徐陵畱連側辭接挾頑豔僕
以長康之癡兼幼興之癖白足萬里青鐙卅年招蝶羅
浮載酒燕市吳宮花草已矣秦淮煙水依然爰抽牘以
微吟遂搖豪而遐想陶令閒情之賦或主離憂玉溪無
題之詩間有寄託

密帳紅衫曲華堂白紵詞定情繁主簿傷別杜分司了
了翻成錯悞佞欲賣癡謾畱金縷枕渾醉玉交卮羅什

鍼難飲摩登咒易施昆湖珠一綫越客網千絲乍識柔
娥面偷相靜婉姿柳腰通體瘦蓮步半弓移病綰垂雲
髻慵攢卻月睂樓陰通匱匣屏曲障采恩綵屋鋪犀簾
織袿結鳳襦扇猶遮月姊簾恰飭風姨菱鏡朝抽屣桃
甌午進匙香應熏鴛藉草合帶荃薜卻要因循誤羅敷
宛轉辭傾身相媚嫵歛笑故矜持獨活休栽樹同心漫
贈梔匣方畱白燕門已駕斑騅折券燒僮約擎箱謝女
厮未妨魚婢嫁不分鴈孃隨官埃飛胡蝶春山喚子規
錦衣天女廟銅鼓竹王祠鵠舫舟同載晁景服最宜心
判燒作燼脣想齧如飴舫舫兼程送雕胡半响炊乳教

焙雀舌根憶掘鳧茈茉莉原消暑芙蓉足療飢曉妝波
一面殘夢艣雙枝刺繡呈穠態詠諧博笑資刀圭羅帊
裏心事繡鞦知浪本通三島峯還隔九疑迴頭驚雨別
轉眼失星期未向橫陳見空憑服散治手難縫澀布局
悔近彈碁蟬錦非煙恨烏棲滿願詩黃衫漂夜合紅勝
怨將離拾翠洲縈繞沈香浦遷迤曲瓊懸瑋瑁虛檻淨
琉璃捉搦輸琴客妖嬈說粉兒幾番登雪嶺通夕譜淋
池忽訝明眸豔因從繡箔窺故應呼愛愛未合讓師師
仄影紅蕉扇方空白葛絺羈環融火齊石黛點波斯行
障三層護流蘇四角垂卷衣簫局矮引臂簃牀支藤俎

新編織柳杯自劇劉嬌酬歡子盼暈入美奴肌都爲花
愁塵生嫌麴味醕何因抱郎宿相約就儂嬉梅子虛吟
詠蓮心苦價遺溫幃聊茗芋密字暗思惟柁鼓中流擊
桅旌五兩吹層波將懊惱宿霧總漫瀾沙背浮鷁鷁汀
灣浴鷺鷥打頭風惻惻灑淚雨淅淅古戍堆黃葉前村
卓翠旗當墟逢蜀女喚客有吳姬瓊闥餘心照香街任
眼眇牀空鏤琥珀枕莫貽酴醾咽咽悽瑤瑟騰騰倒接
離荒煙尋鶴市落照滿雞陂院冷樓寒日看朱作碧時
熏鑪焚甲煎彩筆賦辛夷鹿苑三珠樹蠡臺七寶基鸛
原生極樂鴛本住須彌瓜字分還早蓮經誦弗遲風情

墮泥絮雪豔恨瓊芝佛婢無雙慧仙哥第一推冰絲纏
絡索香瓣鎖葳蕤雲屋穿文棟天窗拓繡槐學屑惱乾
翠秃尾少芻尼薄薄鬟初攏粉粉帔自披事休憑鼠卜
痕未褪蛇醫膽小全防妒形疏轉逗疑潮占子午信命
守甲辰雌檐網投蝙蝠牆泥篆僕纍黃昏收玉虎白晝
靜銅蠡妙種誇須曼幽懷託卷施最難銷色授莫更騁
胸馳晚汐痕初退朝陽旭未烹樓臺迷罨畫衾枕逼孤
羈泉響飛靈隱鐘聲出淨慈澹濃都寂寂來去故徠徠
瞥見腸攢刺重逢淚挂縈也還憐破甑無復夢新簞舊
事看華鐏慵妝坐矮簪簪猶裝翡翠掌莫數蠅螻零幅

餘縑素當關問藥糜蕉叢彈沈約花簾奪王摘碎褰迴
文錦虛懸解結錐沈憂驚落弩出語苦銜碑座上文園
渴車中叔寶羸謬門消永漏鄰巷悵斜曉獨鶴秋尋侶
荒雞夜暗埒十分愁到我三點寫成伊跳脫容雙綰坤
靈借一麾持帚空復爾剗韞竟何爲瓊樹脩難得蘭香
去莫追東南纔日出西北又雲涯侵曉聞鶉鴂辭巢見
鷓鴣山櫻紅似茜岸柳綠於薺閑館曾窺宋長隄舊姓
隋設因鸞羽鍛甘作雁門蹄筆好題黃絹琴畱解黑絕
豐臺環芍葯絕塞擅臙脂未遣明駝載生憐細馬騎才
人工倚瑟侍女解吹簾有意懷蘇小無言及李琪一聲

笳裊裊三奏角
咿咿詰屈蛇蟠路
周圍鹿眼籬鳴瑤
和繡轂動翠炫金
羈飯爲鈔雲子香
先贈月氏囊通心
叩叩袖愛舞傲傲
白咽羞花頰紅酥
凝雪肢器猶傳虎
拍調或犯龜茲錦
薦偷含睇銀缸照
話私暫來欣薜蘿
相對感離離宛轉
丁娘索分明子夜
悲慣教鸚母喚翻
受雉媒欺苔蘚緣
瓠甌柴局上屢屢
見休紉營貝走豈
觸摩蜺鵲尾心香
熱蠅頭手札貽殷
雷驚孳轉行潦苦
浴醴蕪澤畱餘賦
窮陰釀宿疾生憎
嬌拂拂凝想步娉
娉桃浪浮朱鼈杉
溝隱阜鷗徧栽秧
秔稌小摘果髮髻
鉅鼓喧迎賽釵裙
喜釀貲看場人乍
壓眾裏箇先覩郭
禿

名原古唐空戴絕奇如茶評燕瘦束竹繫鴛思遮莫嫌
唐突何因觸任脰媽熏香汗漬倚坐媚鬢欹萼綠開雲
食椒酥點雪瓷鳳鉤容掌托鶯綺稱身規雙宿綠慳我
千金意感誰寄情少方便迴盼獨踟躕迫袂挑新繡疏
羅怨薄颺瓊壺沈漏箭煙穗落鐙梳逆旅奴餐飯中宵
馬噉其聚頭從惜別揮手便分歧繞樹經三匝飛光瞬
一枰文場還瑁璫墨潘枉淋漓鄉味思蓴菜橫塘夢蛤
蜊傷人憐小草歸計決靈蓍汗簡難通素行衣早化緇
乞漿虛在酉候珎再推寅句曲紅塵外長干紫陌陞宅
還尋段約圖莫繪徐熙古渡逢桃葉荒垣繚竹埤洞房

連與菱檐瓦失躑踞有美纓蘭茝羌余擷芷離才應輸
少伯事欲證微之中婦分髻髻郎君雙結椎豔眞驚冒
頓細本束鮮卑腰鼓蕭思話牙檜陸季疵且容吟栲栳
未許擲參差白獺膏和髓黃蜂蜜沁脾交疏窺晚浴虛
幌漏晨曦簾織龍須草庭開鴨腳葵牽花蘿嫋嫋連蔓
葛台台穀子茄三種瓢兒菜一簾可應分薯蕷好爲煮
黎祁但覺心抽繭甯防舌哆箕眞同警露鶴或笑聽冰
狸旣夕霞爭射新秋月暗篩牽愁剛掠鬢忍妒又支頤
宿醉扶頭困殘枰入角危漫勞求楚艾相勸種胡荽麩
火捻金鈎羅文熨玉紕替抽鍼管綫親啟履箱鍤梨靨

斜烘癭檀梳滑浸黦安排宜井日點檢到甌瓠忽謾逢
開餞臨當送解維杵空催縞兔勝憶翦蠻獅密意能重
賦奔波肯告疲跨橋虹現影封螯雪如荏夕慢淒長檠
春衣質短劑幾曾來白鵲翻擬化青驄感舊徒紛若臨
風一愴而篴篥唐李賀拍板宋姜夔結幕偷纏螭拳嶠
詫夢隤泥人憐蝨蠅娶婦讓鷓鴣菡萏呈丹旭蘿蕪漲
綠湄欄霞然夜火薈露膩輕嘶窄窄飛梯度娟娟孕魄
虧祕辛箋妙本屈戌限重帷猊鼎添終地鴛衾疊未墮
喁喁判恩怨故故別妍媸草海團邊色桑乾凝凍漸荔
灣雙楫渡瓜步一舟繩初地參因果柔鄉博涕洟三湘

愁渺渺九畹賦猗猗走竟輪蜚巨飛難學鸞鵲惺忪驚
蟻鬪吞吐患牛齒筆札懷江令煙波悵子皮半生仵辛
苦此味最黏黼瑤草空迷徑胡麻孰獻糜一樓鐘度處
眞合禮迦猊

閒情三十首

元夕羊鐙次第安紅閨曾記步姍姍正逢伯玉悲新別
不分羅敷許再看流水門前通路約好風亭角認闌干
瓠犀微露猜難準閒託春叢說牡丹

青裙綵繚轉斜廊釵焰微微動日光花底何曾歸阮肇
牆東依舊住王昌遞來私語憐腰痠隔著輕衫覺體香

一霎雲中遲月墮怎教白地斷人腸

銀綫千條雨腳勻萋萋草色換濃春隔宵鐙火誰爲伴
盡日簾櫳不見人乍起乍眠渾沒緒雙來雙去總無因
前番密約成惆悵又指新絃上桂輪

昏黃微辨路三叉城角彎彎月已斜人影過橋遙吠犬
風聲歸樹靜棲鴉如花舊識紅兒面行雨初來碧玉家
纖手迴鐙雙照處未應巫峽是天涯

荇藻三分占綠波中央一綫是銀河慵來薄綰同心髻
嬌樣新裁透額羅滅燭但嫌歡會少解襦休道夜情多
恩恩可待鄰雞唱步轉衫飄奈爾何

香泥屨印認弓弓曾對花時悵落紅量去裊腰宜抱月
飄來衣帶正當風橋彎定有星辰妬窗隙還愁霧雨通
約箇青鴛遞消息歸時分付翠衾中

小徑低樓定易逢碧紗窗戶掩重重可因流水迷前路
莫更爲雲到別峯庭畔榴花空灼灼階前蒲葉自茸茸
此情若共琵琶語不唱歡聞唱懊儂

雨聲點滴漏聲長好夢難生曲杳牀準擬四時歌子夜
可能十索和丁嬾春葩旖旎纔經眼秋蒂飄零總斷腸
撥盡金鑪灰一寸沈吟休作野鴛鴦

道罷勝常一語難相逢祇作去年看小名最是憐輕鳳

宿分多應伴彩鸞乍可雙煙熏鴛壽莫教千里贈琅玕
瑤琴理到思歸曲對著娥姑忍便彈

軟莎襯地綠雲鋪羅幃行來不用扶池裏雙頭栽菡萏
山前一帶長靡蕪持帚空恨飄煙縷對鏡何勞點露珠
看去佯佯還脈脈蕭郎真是路人無

綠幕黃簾隔一層兩三星點散流螢也判訣絕溝中水
無奈連絲葛上藤撩鬢風懷人易覺占鞦心事夢難憑
小箋欲寫相思字挑盡西窗半夜鐙

生紗衫子翠羅帏低語蘭房到夜分窗外早應斜顧兔
鬢邊祗是繞飛蚊重抽鏡屨勻脂澤偷捉鞦幫看繡紋

那得朝朝簾額底妝成替揀妙香熏

涼颼戍削動生衣星影朦朧燭影微一角暝煙杉翠合
四邊香氣稻芒肥聽來離落聲偏近行過橋梁語漸稀
那爲閒宵尋女伴暗中知是候人歸

黃姑消息斷經旬偏是關風伏雨辰聽到華言原自誤
猜來影事定無因絲抽蠶箔須憐我手奪鸞篋肯付人
要把單情重訴與換伊濃笑試伊嗔

粉梔低插鬢邊花竝坐閒消一盞茶非想便思蛩負歷
前緣多惜鳳隨鴉今宵窗下聞拋翦昨日溪頭見浣紗
除卻輕帆安兩槩牽蘿何處好移家

鹿癸蚊幃翡翠衾雙棲不用畫堂深凝酥
婉弱教除釧籠霧鬢鬆欲墜簪吹後銀釭
重閃閃聽來銅漏已沈沈
休言輕薄呈宵態顛倒酬歡一寸心

捉來閨扇比芳姿倚著郎肩絮絮時紅蓼
秣依秋水活白蓮生恐野風吹若論顏色
輸人好但惜纏綿沒箇知
一笑釵叢卿未解幾曾金屋見蛾眉

江波催送木蘭舟黯黯銷魂脈脈愁乍減
歡悰原易病不禁離思況逢秋思量小院
來千徧寂寞回廊繞幾周
料得夜深還未睡一叢涼露對牽牛

重向斜門剗鞦來金魚牢合有誰開粉消
星靨妝難整

淚閣秋眸喚未回別後休歌楊柳曲到時須飲菊花杯
女牆西角無多路衰草寒煙併一堆

垂楊猶自弄煙條去去重尋舊板橋花暗星房秋入磬
鐙明水閣夜橫簫輕衾欲抱人難喚淺注閒斟酒易消
一樣好天惆悵煞奈他江月與江潮

燭殘灰冷懣餘情風絮因緣話此生嬌態自憐吳寸趾
柔腸還憶李新聲雕梁燕暖今番夢瓊樹鶯寒舊日盟
仁苦停辛無限意總判蕉萃爲傾城

芙蓉江上載秋還綠牘橋西水一灣屈指未經三月別
關心已瘦二分顏便思腰綵溫今夕猶自眉痕悵遠山

夢裏河魁休更問，竟無消息慰桃鬟。

繡被香濃負小春，酒闌取次畫檐巡。誰知珠箔飄鐙夕，
乙酉十月事獨對銀窗擁髻人。早嫁自應歌捉搦，相憐何用
賦橫陳。重門不下蕤蕤鎖，一白霜花照地勻。

絲來綫去總無聊，枉把柔情付翠翹。似我迴腸方束竹，
有誰多口竟彈蕉。明明日許嬌郎抱，緩緩風還少女飄。
判得如泥成爛醉，錦衾休怨可憐宵。

見慣蕭娘見未曾，幾回青鳥信無憑。猜量心事添何許，
約略腰圍減不勝。舊徑頓迷三里霧，長流都作一條冰。
紅牆消息蓬山似，難把音箋託雁繩。

山南山北定情詩，愁絕蓬窗掩卷時。
此去關河楓葉少，相逢庭院杏花知。
耳邊處處催腰鼓，頭上星星感鬢絲。
一道春江容易渡，莫教雙槳恨來遲。

盡日東風滿畫樓，鶯啼閒煞小銀鉤。
極如意事翻成悔，是有心人莫破愁。
省識花叢長遞淚，低迷草路更回頭。
如何片刻吹蘭語，抵得繩河一度秋。

碧紗如霧裊殘熏，花外清鐘斷續聞。
遙想一鎰初擁被，已過三月未湔裙。
海棠夢穩畱千片，豆蔻香多孕十分。
看到綠陰緣更好，遲來不負杜司勳。

禁人憐惜泥人嬌，淺顰雙蛾未肯描。
的的花呈還舊樣，

明明月滿是今宵三生事豈磨甑就一寸心判作燼燒
金井闌西相憶處桐絲休共柳絲飄

手疊瓊箋寫綺懷十年秋夢冷江淮美人遲暮歌金縷
名士荒唐賦錦鞵密意可曾要楚佩長條枉自問秦釵
那堪聽雨聽風夕門掩淒蛩草沒階

丙子八月一日邵子山姚建木史仲仁沈芷橋徐
季雅高遠香蔣澹懷沈閏生同集秦淮水榭都
知錄事入坐者十有餘人也卽席分韻余得楚
字爲賦一絕句

燭影颭釵叢錯雜箏琶語眷彼同心人歡筵獨淒楚

無題

額波寒透月光斜六扇銀窗掩碧紗玉臂緩移輪當枕
香肩微澀苦思茶濃情莫似朝開槿歡味真同夜合花
一寸相思忙未訴鄰雞曉罷又嗁鴉

山友朱酉生極稱
第四語故錄存之

妝罷

櫻桃一樹繡簾旁貼鬢安釵罷曉妝拈起繡鍼誇阿姊
書來難字問檀郎偶思倚坐鬟多側不愛熏衣體自香
底用千金醜豔笑最銷凝處具莊

冶春詞十首

月娥從粉上紅窗半臂加絛冷未降逢到尹邢誰第一

評來環燕總無雙
官奴小楷臨王帖
善女親書獻佛幢
應是昨宵裙帶解
好將釵股卜銀釭

最憐阿錫稱身衣
配與陳思賦宓妃
蓮子懺成雙帶苦
海棠嬌釀一分肥
累他西北浮雲住
吟到東南孔雀飛
樓外玉簫聲緩緩
博山香裊篆痕微

明珠十斛待量無
乞與靈芸掌唾壺
擁背錯憐卿是姊
小名合喚堦爲奴
鍼神繡出雙飛豔
眉史修成百樣圖
解覩紅潮消息否
不防私語道將雛

情根未死總纏絲
月到將殘分外圓
昵枕釵橫畱玉燕
倚風蟄冷護金蟬
徧題小院同心字
舊恨湘靈促柱絃

一綫銀河飛夢隔夜涼
鐙暈又如煙

經旬小別已無慘促
漏遙鐘怨寂寥開徧
碧桃休結子種殘紅
豆不生苗情魔未遣
庚申夜淚脈先通子
午潮底事隨藍風又
起曉來愁損畫眉嬌

吹簫聲裏鈿車過誰
與吳王作挽歌押不
蘆休天上覓曼陀殊
是雨中多佳人窈窕
思山鬼帝女嬋娟化
竹娥舞袖弓彎渾不
見春陽一曲柰愁何

露泣絲纏一世情長
條枉斷玉釵聲冷灰
殘燭春如夢萼綠蘭
香牒有名河畔瀟湘
三月事花間鬢臂再
生盟相逢好偕坤靈
扇白鵲雙吹嶺半笙

重燒石葉問圓冰結就千絲網未曾曲譜定教樊素按
詞箋欲付小紅膽環來火齊瓊三面擁到綃帷玉一層
喚是解愁愁莫解海棠花下曲闌憑

疏星西照合歡襖要覓青琴任蹇脩曲裏桃根遲喚渡
眼前柿葉正當樓白憐宋玉多情甚說與羅敷肯嫁不
蓮帶素絲雙結好畫裙先繫釧篲篸

前番剗釵認花陰猊鼎香溫瑟瑟衾裁到羅襦憐妾命
捉來團扇似郎心雙鉤帖寫青真字獨繭絲悲素女琴
聞說紀離容去後冰荷鐙地夜深沈

西湖花神曲同瞿夢香作

冰荷璀璨銀椒壁玉女司花檢花歷金花箋紙召羅虬
詔賜花神加九錫丹書本自鳳銜多蕊珠宮闕排雲和
紫雲輦侍春宵宴一百五日長擘拖曇雲下土塵棲眼
再拜敝詞奏青簡夢醒還聞杜宇呢情多爭被游絲綰
游絲百尺綰春愁花袍罌殺天南陂四圍花影遮深院
盡日花枝照畫樓湘煙遠翠屏山護萼綠華來此間住
笑容張碩作神仙口嚼紅香散花霧花霧迷離春晝暝
難憑雙鳥通丁甯金光本是蓬萊種優鉢空傳妙法經
玉簫忽送秦樓約手掣金鈴護花索珍木招來比翼鸞
芙蓉銀牐香霏閣花開緩緩出且蘭月豔銖衣風露寒

幾夜殘妝嬌墮馬幾番別曲怨離鸞重逢院落花時候
珊珊骨比香桃瘦瑤想眞成抱日癡珠房忽訝畱仙皺
雕甍春冷傷瑤華薄命原同頃刻花斑駁休繫崔孃巷
紫燕空尋蘇小家愁紅狼籍飄衣桁落花深處春魂葬
海棠嬌夢化梨雲秋眸割斷金絲帳春月春風明聖湖
花茵鋪作紅氍毹不見長條圍暖玉羞將密字寫眞珠
珠沈玉碎靈妃死愁盡心香篆花諫艾衣蕙帶走龍堂
一聲鐵笛鴛鴦起惆悵煙江六六陂蘭橈何處采芳薜
願花莫作相思樹願花莫作連理枝相思情苦無人見
連枝淚灑殘霞片潘令歸來白髮多河陽空道花成縣

惜花憔悴妬花妍一笑同參天女禪雕文几子冰苔石
長供池頭五色蓮蓮根蓮帶空房澀薄絲翦破靈霜褶
伶苦停辛自一生獨向瑤壇問瓊笈天上人間兩不知
吹簫擊鼓送西施自從絮亂絲繁日看到平煙廢綠時

春夜曲同姜大

廷瓌

朱二綬作

春雲遙度芙蓉院瓊壺六六遲蓮箭謾把仙情證阿昌
欲將畫筆煩殷倩何處樓頭倚鳳簫春陽一曲可憐宵
暖圍紅玉鬆金釧偷點黃星輝翠翹盈盈三五團樂夕
九微鐙暈蘭缸碧鵲尾長熏茜茗鑪龍須乍展茱萸席
金瑤翠玉七香車一笑重逢張碩家女牀山頂同心樹

雲母屏間五色霞邀來巫峽遲行雨羅衣卻學弓彎舞
雙鳳離鸞蜀瑟微飛鴻別鶴秦箏柱露重風多悵夕筵
猶勞天女賜金錢明珠網去絲千結團扇歌來月半弦
半弦明月窺人老橫陳卻憶輕衾抱難燭容描蛺蝶圖
幾箋羞譜鴛鴦藻鴛鴦蛺蝶不勝懷手摘花陰鳳字牌
搏芬莫製相思枕量玉曾窺獨見鞦韆春愁好仗東風解
隔簾心許千金買油壁詞畱小小歌綵灰酒向眞眞灑
幾處春風透曲櫺幾人翠帳伴娉婷珠閣潛通金屈戌
玳檐微戛玉冬丁銷魂別有文通賦葳蕤夕掩紅蘭露
楊白楊枝陌上聲桃根桃葉江邊路此時此際轉無聊

雪豔瓊芝入恨遙未向房中鋪瑞錦虛聞泉底弄輕綃
綃機織淚朱絲絕杜鵑枝老嗁殘血裊裊娉娉曠世姿
悠悠曼曼經年別經年經歲復如何粉瘦珠愁對綺羅
秦宮弄玉悲寒食吳輦西施泣挽歌窗紗檀點依然在
昔昔徒看青鬢改波弋無香訪十洲婉矜有約期三載
碧海青天未易尋銅鋪鴿漏夜沈沈解愁不佩相憐草
貯屋空營買笑金海棠睡去腸應斷花前若箇吹簫伴
金縷裁衣抱肘長銅槃貯淚連心短短短韶華廿四風
畫眉窗畔夢魂中溫幃可是憐歡子繡幔徒聞唱惱公
始知春恨隨流水蓉城欲製芳卿詠一刻人間更漏長

幾回天上神仙苑人間天上兩情休絮影梨雲冷玉鉤
黃雞遮莫玲瓏唱一夜春人無限愁

卽席

抱月聲傳大小雷樂工誰是紀孩孩翠衫莫訝秋羅薄
曾到團雲隊裏來

有贈

清歌一曲桺枝嬌角隊人前易斷腸團紫嫣紅都看徧
最畱情是女銀香

牡丹曲

鶯囀三月花生樹鴨漲春深桃葉渡逢人盡說牡丹時

官黃魏紫開無數濃姿貴彩豔朝霞少女風輕翠幔遮
微響金鈴不知處樓臺原是美人家美人家住青溪側
兩株卻占傾城色垂手爭看玉佩翻閒愁獨把金絲織
簾卷當風燕子來雕闌無語幾徘徊一見殷紅誇異種
城西不用錦千堆一株綽約飄春態一株嬌小團雲隊
舞罷慵妝各自憐扶起銀屏乍相對相對春光又一年
紅情如夢復如仙自從荀令香熏後綵筆難將心事傳
天桃穠李爭攀摘簇蒂交枝總狼籍漫道人間第一香
胭脂帶雨曉痕積翠袖雙擎瑪瑙槃且畱春住好爲歡
夜半自移銀燭照等閒莫作海棠看花叢取次評花好

何處飛來定瓊島記得扶闌酒乍醒幾番卻爲無情惱
春暖春寒半不禁芳時惆悵對花吟黃金化作千胡蝶
只在紅香深處尋買栽池館真無計蘭成舊宅苔荒砌
十載看花空斷腸斜陽灑盡相思涕重向華堂識紫雲
招搖畱取鬱金裙他時便有移春檻誰草羅虬九錫文
韶華經眼花開謝可憐顏色相逢乍絮果三生欲問天
飄零莫遣殘紅嫁寄語司花並護持花愁花病替花醫
請看一片璫璫地猶是三春爛漫時

本事詩

春情重問秣陵花煙柳絲絲路半遮轉過橋西纔幾步

夕陽紅到莫愁家

蘭膏燒盡燭生煙小簾輕袞獨自眠一枕濃香吹抹麗
惱人殘夢五更天

暮雨瀟瀟曲又聞蘭堂惆悵鬱金裙重來杜牧渾傷別
莫遣蹴船棹十分

崔孃只合閉門居卻月橫煙一例除隨意梳頭看愈好
紫桐花影上牆初

紀別

琵琶彈碎石城秋真箇今宵餞畫樓兜起千重萬重恨
酒邊燭下兩心頭

桃枝端恨嫁東風未到春深恨落紅不用傷心提舊事
與卿一樣可憐蟲

曾把魚箋訴別愁蕩花風裏許句畱而今莫作當初看
眼見垂楊繫去舟

揼透秋雲把一方最難消受淚雙行不知領卻情多少
夜雨填詞細細償

曉妝愁損舊眉彎後約分明付指銀臨去回頭看鬢影
一重簾抵萬重山

偶拈麗句憶冬郎八尺龍鬚配象牀今夜秋衾渾未薄
江風吹作十分涼

代人送別

別離光景總模糊
半晌看郎一語無
分付板橋橋下水
與儂流淚到西湖

有寄

緣到門前水一灣
生憎短檣送人還
深情密記裁胸袂
私約重圓守臂環
已分煎熬新歲月
再難消損舊容顏
博沙散後無商略
此事天公了不關

幾番撒手悟無生
續命絲牽一縷情
那有鴟媒能判斷
錯將鴛牒認分明
重逢豈了悲歡局
竟死甘居薄倖名
莫怪罡風吹不歇
從來精衛恨難平

寄書知否到長干折罷封題忍淚看也料歡悰成訣絕
強將溫語報平安舊畱連處誰同坐未別離時已廢餐
想得幾回翻筆札欲傳心事倩人難

修來豔福本前因我是秋風下第人酒後語言心上事
枕邊涕淚夢中身可憐金粉都如幻從此鶯花不算春
怕使離懷易根觸空箱閒疊舊羅巾

題畫蘭有贈

冷抱琴心對碧湘冰仙小幅點吳裝十年鬢影春風裏
識得人間第一香

夜坐

悲秋心事砌蛩知
冰簟初拋玉漏遲
病對釭花寒一翦
西窗風雨憶君時

無題

刷翠雙蛾對鏡鸞
幾層珠箔護嬌寒
香囊替妾胸前扣
裙褶教郎背後看出
水乍驚妝豔豔
因風遙想佩珊珊
尋常不到鶯囀處
爲惜春紅轉畫闌

七夕偶書

彩雲迢遞望鍼樓
欲把靈姻問蹇修
明日別離今夜短
一回相見一番秋

秋風搖落惻焉予
懷書此以寄

三春花樹記龍蔥消盡平煙廢綠中儂把冷心比楓葉
一番霜染一番紅

絲絲衰柳帶棲鴉一束蠻腰莫更誇也有浮萍能結子
當初飛絮落誰家

秦淮紀事詩同章三孝廉

慶曾作

夢斷東風十四樓棲鴉流水祗宜愁石城有曲千行淚
玉樹無情一片秋月色最憐羅愛愛琴心欲語卞柔柔
背人莫檢蘭香幌密字分明句尚畱

珠翠丁星總斷腸沈香街畔又斜陽瘦來玉骨憐春病
數到瓊籤記晚妝逢別祗應傷杜牧有心端許嫁王昌

孤他青鳥殷勤意一樣蓬山獨渺茫

煙雨重尋白下船別魂惆悵已經年
竟無解事邀羅幃
賸有傷心對綺筵帳底行雲還暮暮
城頭流月自娟娟
不堪低唱歡聞曲
邏迤檀槽促柱絃

春風買斷六朝花玉怨珠嗁付笛家
舊院苔荒餘夕照
片帆人去是天涯
癡心未擬圍蟬鬢
纖手曾勞合鳳琶

莫更揚州問佳麗
絮飛吹徧玉鉤斜

君有廣陵紀事詩故及之

題續板橋雜記後

雙漿春波照畫闌
豔情重與說長干
紅衫曲子青衫淚
併作東風絮影看

同人讌集美人芳草之室卽事四首

珠愁粉瘦不勝情抱月飄煙自一生失意偏能相媚嫵
此身終竟未分明柳枝漫信無人管桃葉爭教打槳迎
我亦小秦淮訪徧花前珍重記香名于廷著有小秦淮雜錄
小閣熏籠裊細沈兜喃借宿畫簾深二分明月歌瓊樹
一夜華鐙照錦衾客裏風懷判爛醉天涯淪落總知音
牆東玉與河東柳同是蕭騷感遇心

露冷霜濃斗沒西幾番催唱汝南雞紅酥笑靨微微暈
翠壓顰眉漸漸低瑤想也曾迴一顧豔情無柰欠雙棲
阿誰偷喫胡麻飯得徬桃源路已迷

謂澹懷

傷心怕說綺羅叢曾對青溪賦惱公修到名花都豔豔
生來飛絮祇慙慙愁飄斷笛零箏裏春去癡雲夢雨中
瘦盡香桃誰管得不因君恨五更風

本事詩

煙外雙橈送去舟蘭宵燈火又揚州依然裊裊娉娉樣
院冷樓寒一味秋

小閣閒熏茜苔鑪溫幃低語未模黏相逢最惜華年去
數到星張翼軫無

雕梁春夢話依稀簾外霜鴻作陣飛料得前身是瓊女
天風涼透六銖衣

枇杷淡巷謝車塵十載西湖夢裏春如此容華都寂寞

粉圍香陣又何人

謂映華校書

嬋娟心事譜嬌娥裂管繁絃柰爾何檀板一聲秋拍碎

月明簾幙夜寒多

蕪城柳色半淒煙經一番離一黯然燭影烏篷眠不得

打頭風打裏湖船

海棠

胭脂著雨暈初乾垂柳絲絲護曉寒豔極不愁風韻減

寵多真覺笑颺難畫堂日暖春如醉銀燭宵淡夢易殘

寄語東君好畱住有人側臥卷簾看

畫闌干外幾逡巡不負瓊樓十日春是處品評仙子貌
他生珍重女兒身玉環醉後能傾國金屋藏時有宿因
吟到綠肥紅瘦句始知渠是惜花人

旅夜

謾斟魯酒勸忘憂又逐荒雞數倦郵草草前番問伊病

昏燈小閣夢揚州

辛巳四月
十七夜事

汶上題壁

冶白香紅各鬪妍漫搓飛絮認因緣春風買斷行人意
姹女從來祇數錢

春明前度殢看花席帽重來鬢漸華燒盡風簾雙畫燭

一齊彈淚付琵琶

卽事

昏鴉飛上柳枝嗁
戍削風吹鬢影低
一樹碧桃花未發
滿身涼月小亭西

團扇曲

我捉王郎白團扇
纖指裁雲薄于練
欲寫清歌爲寄情
明星惆悵芳姿面
經年惆悵總天涯
蘭苕翠羽空鮮華
舞裙縐處低低障
花貌迴時淺淺遮
淺遮低障無人識
美人心事鴛機織
可憐薄命等齊紈
桂月如弦圓不得
分明手底月團圓
一曲歡聞配合歡
雲母休還誇帖鳳

煙綃便好畫乘鸞乘鸞消息知何許銀花挑斷同心縷
招涼小院翠釵寒掩歛啼珠促箏語箏語琴絲柰爾何
幾番含意對修蛾人間恩怨無從說容易秋風吹畫羅
香畹樓憶語陳小雲通守悼其亡姬紫湘作也爲

題此篇

銀雲墜影商絲咽蘭露宵零桂蟾缺香冷秋衾弔蟋蟀
一代紅顏竟長別交枝簇蒂好韶華長板橋東碧玉家
瓊簫吹暖鈿車路二月垂楊三月花花鬟嬌嬈迎春髻
傾城爲想顚房麗密字芙蓉錦繡篇眞靈位業神仙記
神仙豔福本三生喚得飛瓊下玉京小院當風羅帶結

畫樓聽雨翠釵聲。如花風雨催花葬。藥鑪經卷添惆悵。
兩槩寒波白。下潮夜烏。唬斷金絲帳。帳掩流蘇冰簟空。
人天消息太。恩恩幾時白。鵲乘煙去。何處青鸞有信通。
沈沈銅漏迢迢夕。一點險麋淚。一滴嬋娟著。述竝千秋
可人夫婿真憐惜。走馬應官去。薊門哀蟬落。葉總銷魂。
吳王苑裏紅心草。畱作人間春夢痕。時君以謂選北上

亭畔牡丹盛開書此寓意

碧玉何曾是小家。羞紅雙臉暈朝霞。蕭齋莫道無春色。
容得人間第一花。

睡起檀痕沁口脂。纖腰欲折故矜持。春情不許東風管。

看到香多露重時

關心鈴索響微風側近諺門路暗通圍住軟香春不覺
午茶時候畫闌東

相看無語總銷魂蛺蝶驚回賸粉痕可惜怱怱花事了
惱人風雨又黃昏

吳陵牡丹曲

有序

昔呂文靖監泰州西溪鹽場手種牡丹一本有詩云異
香濃豔壓羣葩何事栽培近海涯開向東風應有恨憑
誰移入五侯家范文正官西溪和之後人護以朱闌歲
久榦數丈花數百朵海濱誇爲盛事今州城中某氏廢

園牡丹一本高丈許諸錄事惟詮出錢買之移蒔官廨
穀雨後紅苞齊坼一叢百數十朵召客命酒其下籬條
棚屋張以青幃羊鐙四圍香氣淩亂盡坐無不霑醉主
人詩成各有和者是亦異日吳陵佳話也予寓居書院
東偏舊栽兩叢特今歲爛漫可觀花不負吾有所觸撥
賞花之趣雖同詠花之旨則判成茲長句玩其卒篇道
光乙酉三月廿七日

陳州鷺雛面徑尺洛陽硃砂好顏色看到吳陵第一花
姚家左家誇不得吳陵自昔有西溪壁上紗籠舊日題
朱闌曲曲護風雨穠姿豔壓羣葩低暖雲如粉春如海

海涯畱得花緣在人間何處覓傾城相逢那惜黃金買

月下紅妝感宿因傳聞花是女兒身琤噉露唾情何限

好與名花作主人

相傳某氏於移栽前夕見好女子裴回其下

主人自合稱

香尉辛苦年年爲花事最好鶯飛草長天恰當綠戰紅

酣地爛錦堆中春宴開對花直欲傾千杯好春已過九

十日

十九日立夏

一日須看一百回太平樓閣

名見清異錄

嬌香

擁疑是西溪舊時種不信蛾眉賦碩人綠衣還擅專房

寵

主人別栽數種謂品更勝此故云

寵多一樣惜花心官燭燒殘夜已

深醉魂化作雙胡蝶祇在紅香多處尋坐中我是傷春

者玉骨瘦來無一把

義山句

院冷樓寒別夢多絲繁絮亂

歡情寡誰料新香發故叢憑將花葉寄東風銷魂最是
花無語昨夜春恨一撚紅

卽事

輕紅輕素比花枝有約看花醉不辭名士從無厮養遇
傾城祇許路人知相逢香燄鐙光夕其奈天寒袖薄時
我是傷離狂杜牧西風吹透鬢絲絲

無題

斜月暉暉照曲房琴絲一味撥秋涼顰煙恨雨空畱盼
瘦葉疏花總斷腸定有微詞嫌宋玉可無幽夢託曹唐
夜闌更不看張角天上星辰自渺茫

鶯囀花怨曲

有序

院之西隙地半弓有小亭亭畔桃一柳一春融坼苞花
爛漫可觀柳絲垂三尺許斜門晝扃人境蕭寂面闌孤
囑悽眷予懷特命此篇用寫所寓

柳煙濛濛春幾許一樹桃花慘紅雨東風過處寂無人
惟有流鶯共花語鶯囀如訴花如怨盼得春來春已半
花底誰將錦瑟調花前誰把銀尊勸依稀吹夢到蓬萊
消息如煙隔河漢相思人面不相逢相憶花時不相伴
花怨鶯囀奈爾何江南江北人腸斷幾家樓閣好春天
柔綠嬌紅嬌可憐日暖飛香豆蔻側夜深難燭海棠邊

壁月瓊枝還歲歲玉臺金屋自年年年年歲歲畱春在
莫使青青雙鬢改看花都屬少年人人間占得春如海
一抹斜陽金粉痕人間天上總銷魂雜花飄盡流鶯老
細雨疏簾獨閉門

章耶廣文宋

開蕤

以紅綫圖索題爲賦此篇

潞州城上弓刀立潞州城外軍符急四野星芒玉帳低
三更月采銅壺泣銅壺點滴漏聲長寂寂轅門鼓角涼
節度方將雛白刃侍兒那用鬪紅妝紅妝偏了兵家事
擘阮分箋好書記百將誰知龍豹韜片言早奪貔貅氣
莫道危城事不諧箇中密計已安排鬢雲自整烏蠻髻

花霧還籠金雀釵。雀釵鬢髻芙蓉面。龍文匕首當胸見。
佳俠含光絕代人。一霎房櫳閃飛電。電激霆馳到魏城。
雌劒出匣霜鋒鳴。重堂十二連雲第。外宅三千繞帳兵。
三千宅外鼙聲裏。手持金合風雷起。銅臺高揭漳水流。
酒醒燭灺人歸矣。此際關河動鞞塵。此時相見各悲辛。
一封書發明驄使。元帥頭顱寄美人。美人本是瑤臺客。
十九年來記淪謫。脫卻青衣便上昇。蘭香萼綠無顏色。
萼綠蘭香易有緣。人生最苦是離筵。開箱臉有青絲履。
攬鏡長辭白玉鈿。玉鈿絲履無心玩。朝陽一曲朝雲散。
三鎮都聯兒女情。九天自結神仙伴。神仙來去感滄桑。

乘霧乘煙恨渺茫世間恩怨無從說說與詞人總斷腸

偶記

衣上新香染未多
泊春心事易消磨
枕邊一陳瀟瀟雨
明日潮生五丈河

有贈

謬門側近畫垂簾
一笑春從海上添
鏡匣自收螺子黛
小伊山色上眉尖

醉裏風光客裏身
暫時茶話也前因
玳梁可是無棲處
愁煞牽蘿補屋人

妝罷無心弄翠鈿
檀槽一任撥香絃
春風不到芙蓉衩

學作男兒亦可憐

暮雨朝雲夢幾多怕拈紅豆怕聞歌淮流不比江流近
桃葉桃根柰爾何

本事詩二十首

春來長抱惜花心行徧苔階綠已深不分雲鬢燈下見
去年消瘦到如今

盧伊一角海東涯鳳泊鸞飄劇可嗟茶鼎藥鑪排辦好
蕭郎行舍當卿家

喘絲聲細閣歌喉弱質難勝酒一甌貪把閒書消白日
日斜時候未梳頭

羅幃莫道不雙棲紅靨痕消翠黛低那有行雲來入夢
窗前嘸煞五更雞

燕消鶯息語模黏料得羅敷未有夫枕畔煩將家事問
與卿瓜葛有還無

坐上花枝照眼明肯將腰采鬪輕盈手生略把琵琶撥
猶是江天裂帛聲

評泊釵叢各可憐好畱華燭照嬋娟不知桂樹容誰倚
吳質今宵卻廢眠

戲謂清
如同年

報賽神祠夜欲闌九枝燈火萬星攢門前何事勞冠蓋
獨擁紅妝自在看

唱到驪駒未忍聽
秋花寒蝶太伶俜
眠餐沒箇人訓護
縱有刀圭枉乞靈

此去重逢未可知
銷魂正在月圓時
無端又把歸期緩
贏得娥媧一展眉

白刃公然劫翠蛾
四月十夜事
粉圍香陣事如何
爲卿約得雙鬟到
絮語鐙宵淚幾多
謂翠玉兩君也

風透疏櫺雨腳垂
替遮紅燭看膽詩
雲臺山色都尋徧
不抵修蛾靜對時

鬢臂恩深定有緣
黃昏同上渡頭船
鄂君繡被休孤負
難得篷窗兩夜眠

披衣掠鬢忒恩恩村舍榴花一簇紅
忘卻今朝是佳節
鴉鵲聲裏住安東

垂柳陰濃峽蝶飛山風開徧野
薔薇紅紅素素無人識

好送香車一路歸

山新安鎮喚興至袁浦同行有玉君也

朝朝相伴翠羅裙欲訴離腸酒易醺
看到冰輪知有意

觀題團扇付朝雲

舟中爲桂君題團扇美人截句云一角紅窗日易曛欲將心事問朝雲當

頭細把冰輪看可得團圓到十分附記於此

一望淮流黯別魂雙來雙去事難論
莫愁艇子還同載

荷葉田田綠到門

女牆西角小橋南一道晴波襯蔚藍
卻喜舊巢痕未埽

聽他歸燕語喃喃

高公橋在淮安北門內

桃根桃葉話前因莫再飄流向海濱一語殷勤關阿母

好花須有護持人

桂君有女弟雙君去冬先返

杜牧年年感鬢絲多君相勸酒盈卮今宵何苦畱儂宿
總是搏沙放手時

無題

梨花吹雪柳吹絲珠化嘯痕玉化煙見而易逢雌甲子
到頭終唱惡因緣也憑青鳥通來意莫道黃姑少聘錢
惆悵高公橋畔路碧波荒草自年年

得澹懷書志感

海上封書到已遲西風隔歲隕花枝早從蕙嘆蘭僝日
料得香銷玉碎時誰把千金收駿骨我曾雙漿送蛾眉
傷心一段長淮水更與招魂賦楚辭

香銷玉碎千金駿骨俱來書中語

集詞調名詩二十四首

薤薺梁體

南鄉錦纏道春霽好時光一片鶯僝序雙聲燕歸梁珠
籠卷芳草紅窗影垂楊西施胡搗練羅敷媚采桑傾杯
六么令解佩四和香玉人歌金縷繡帶拂霓裳陽春醉
落拓子夜情久長關河新念別沙塞倦尋芳清波夢江
口撥棹憶餘杭翠樓鸚鵡曲調笑意難忘

阿那思佳客風流憶少年隔簾聽白芷多麗勸金船探
春芳草渡步月杏花天翻香幔卷袖一作袖無悶醉垂鞭
綠意西園竹紅情隔浦蓮小庭花簇水疏影柳含煙踏
歌采桑子解佩臨江仙關河畱客住消息望秦川八寶
妝翠羽六么怨朱絃望梅解蹀躞折桂喜團圓一絲風
轉應撥棹向湖邊

古意

南樓烏夜啼樓上薄命女憶悶卷珠簾春雲怨眉嫵醉
妝撲胡蝶蘇幕遮鸚鵡江城楊柳枝雪花飛金縷關河
思遠人一片沙頭雨

搗練滿庭霜出塞新念別清商怨孤鸞阿那眉峯碧解
佩惜秋華國香過澗歇一葉落關河紗窗恨風蝶翠樓
子夜歌繡帶丁香結瀟湘逢故人傾杯酌江月

四時曲

探春春霽鳳皇閣簇水垂楊一絡索紅林檎近好時光
傾杯無悶拋毬樂傳言玉女最高樓樓上鶯囀慢卷綃
鵲踏枝翻香一片月照梨花埽地遊西湖南浦尋芳草
春風裊娜於中好別怨巫山一段雲揉碎花箋被花惱
玲瓏四犯踏歌詞海天闊處長相思綵鸞歸夢玉人引
竝蒂芙蓉連理枝箇儂相見歡眉嫵雙聲月底修簫譜

紅情一半鎖陽臺小樓連苑瀟瀟雨

翠樓憶悶倦尋芳繡帶解紅玉簟涼踏莎美人端正好
皁羅特髻西子妝荔枝香近菖蒲綠羅敷豔歌鸚鵡曲
箇儂步月月當窗露華疏影風敲竹無愁可解十二時
采桑春夏兩相期暗香族水新荷葉花犯紅情一半兒
西溪撥棹荷華媚風流玉女搖仙佩魚水同歡雙瑞蓮
傾杯調笑佳人醉垂楊芳草浣溪紗鞦紅朝鬢散餘霞
六幺十拍羅衣溼薄倖傷情怨笛家

疏簾淡月梧桐影孤鸞琴調相思引聲聲新雁過妝樓
露華一片湘江靜搗練西溪天淨沙採蓮撥棹花非花

瀟湘夜雨碧窗夢庭院深深蘇幕遮水調歌頭月下簾
天香桂殿秋消息箇儂解佩惜分飛望雲涯引羅衣溼
出塞塞孤歸國遙鳳皇臺上憶吹簫古陽關訴衷情近
哨徧清商怨綠腰繡帶翻香玉抱肚月上海棠畱客住
南樓調笑誤佳期霜天曉角臺城路大有天仙翠羽吟
高山流水碧雲深轆轤金井陂塘柳秋夜闌千萬里心
江城子夜霜花腴三臺催雪金浮圖雞叫隔簾聽更漏
赤棗翻香瑞鵲鴣貂裘換酒醉公子金盞玉人歌白紵
竹枝湘月碧雲深側犯孤鸞薄命女箇儂憶悶上西樓
珍珠選冠金鳳鉤河滿聲聲望江怨梅花畱客住揚州

揚州多麗後庭宴燭影搖紅寶鼎現筵家鼓篴憶王孫
飛雪滿堆山一片長相思離別難訴衷情近小闌干喝
六傾杯探芳信錦堂春慢鎖窗寒國香消息江南好蕙
蘭芳引瑤階草玉京翠羽夢芙蓉醉妝調笑紅羅襖

七律

河滿聲聲玉漏遲垂楊睂嫵憶仙姿迷神風蝶千秋歲
別怨孤鸞十二時解佩感恩多薄倖傾杯無悶酷相思
憑闌人探春消息湘月紅窗聽竹枝

阿那南樓百媚娘蕙蘭芳引綺羅香梅花一片珠簾卷
翠羽雙聲玉簫涼步月月當聽白苧畱春春曉醉紅妝

迷仙側犯陽臺夢庭院深深畫錦堂

西湖一點春如夢花犯垂楊乳燕飛樓上六幺蕃女怨
歌頭三字阮郎歸醉妝調笑玉山枕繡帶風流金縷衣
搗練秋宵憶蘿月訴衷情近九張機

小樓連苑憶多嬌如此江山歸國遙南浦早春怨睂嫵
西河芳草繫裙腰雙聲子夜黃金縷十拍涼州紫玉簫
月照梨花花自落天仙消息鳳來朝

五律

樓上羅敷媚風流點絳脣江城花自落沙塞柳初新無
悶紅窗睡翻香錦帳春小闌干一片湘月望湘人

解佩天仙子行香好女兒春宵囉嘖曲明月步虛詞一
片梧桐影三臺楊柳枝扁舟尋舊約消息憶瑤姬
如夢尋芳草傷春怨玉梅關河留客住薄倖看花回撥
棹釣船篷暗香荷葉杯南樓夜飛鵲明月逐人來
一葉落江城陽關望遠行垂楊秋思耗折桂月華清子
夜歌金盞彩雲歸玉京箇儂新念別阿那柳腰輕

七絕

風流尙嫵百宜嬌春鬢紅情透碧霄如此江山畱客住
鳳凰臺上憶吹簫

春宵明月棹孤舟河轉垂楊憶舊游揉碎花箋春去也

箇儂別怨最高樓

西樓綠意柳初新
庭院深深夢玉人
鵲踏花翻花自落
疏簾淡月海棠春

醉妝調笑惜餘歡
河滿聲聲愁倚闌
解佩意難忘薄倖
瀟湘夜雨瑣窗寒

雲仙如夢訴衷情
翠羽珠簾卷玉京
一點春愁春未醒
小樓連苑賣花聲

翠樓春曉鬢雲鬆
風蝶傷情怨箇儂
且坐紅窗聽消息
轆轤金井夢芙蓉

清波撥棹夢橫塘
秋霽江城柳色黃
子夜踏歌金縷曲

無愁可解杜韋孃

關河一片雨零鈴南浦探春山漸青樓上鳳簫端正好
雙聲白芷隔簾聽

星雲閣外集終

曇雲閣詞鈔

吳縣 曹林堅 艮甫

齊天樂

途中寒食

青青只有長隄柳和煙作

去聲

成愁色鬢影縈香鞭絲裊

翠何處飭簫坊陌遊蹤謾憶算
棘雨蠻風杜鵑知得迤邐春陰
一襟芳思最淒寂湖山佳處
易覓廿年歸夢杳空負吟屐黯
黯離觴惜惜小巷也似前番寒
食昏鴉倦驛又檢點征衫亂紅
吹溼瘦盡銀蟾倚樓誰弄箏

菩薩蠻

羅衣風定流螢撲夜長閒倚闌干曲涼月浸花陰銀河
秋更深 翠鑪香細熨錦薦塵空拂一雁度西樓背鐙
人自愁

點絳脣

燕

巷冷斜陽乍歸不識江南路亂煙深樹夢踏楊花去
回首天涯舊恨知何許雙棲處畫簾低護又是瀟瀟雨
探春

水鄉秋爽歸櫂容與倚篷吟眺言愁欲愁矣
淺瀝流澌聞沙占石歸帆遙指村樹繞岸霜砧沿門水

誰絕好漁鄉閒住吹盡蘆花否待寄語征鴻休去料他
多少騎人年年添賦離緒 依舊月如睂嬾怕到得圓
時重照悽楚甚日幽棲閒扉深掩商略翠荒苔古聽徧
關山曲總不抵一聲唳字試傷溪潯舊懷容證鷗鷺

風入松

酒醒鐙炮費思量無計問蕭娘東風不管垂楊恨卷飛
花隔斷紅牆認得盧家雙燕而今已是空梁 歌殘金
縷暗迴腸空認合歡牀相思記否簾陰路小屏西略度
衣香賸有舊時明月夜深猶照淒涼

渡江雲

蓬窗孤坐觸景蕭寥賦寄里門諸子

遙空鳴點散孤荒
寥冷落葉趁西風晚
潮初上後隱約
寒星和月照疏篷
一枝柔艣聽乍響
疑是來鴻尋翠娥
小樓還記人影燭
花紅愁儂盟鴛語
在化蝶心孤算
前番如夢夢不到
吹笙院落撫箏簾
櫳琴裝料理西湖
去問故人清興誰
同梅信早江天絲
雨濛濛

八月圓

夢得輕帆八字醒
後足成此闕扣舷
悽諷渺渺
分余懷也

煙蕪漠漠平林外
鳴影帶殘陽欲寒
天氣山濃水淡如

許蒼涼 寄愁長是書回雁雪秋老蛩霜相思人遠輕
帆載夢飛過瀟湘

念奴嬌

沙口對月

晚霞吹散有素娥妝鏡揩來寒玉十里平沙鷗夢外作
去聲盡荒煙淒綠浪影沈雲秋聲卷樹帆挂西風足鬢絲
添未一痕涼颭釭粟 知是去雁程遙霜天叫斷低傍
蘆花宿碎杵零鐘清怨併不管今宵人獨芳訕梅疏倦
懷楓老還問桐溪屋冷霏深窈醉魂飛度屏曲 子舊宅在桐溪
泚故書屋以是名今屬他人矣

鶯號序

丙寅夏自滇之黔之粵今又之浙將以來春歸
吳下不一年間遊蹤幾出萬里酒酣倚聲聊志

梗概

天涯倦遊廿載對東風暗惱釣磯穩家傍鱸鄉幾番歸
夢尋到送離緒絲楊舞歇鉤簾一任飛花攬作去聲長隄

芊碧年年暮晴芳草 檢點蠻裝總染瘴雨鎮羈遲遠
微邇前事孤枕愁邊冷蛩曾訴悽抱畫闌干題詩倚徧
算棲燕如今還晚指山程催上吟鞦夕陽紅繞 洲縈
拾翠浦暖沈香去時喚一櫂那更識綠陰滿樹分少歡

淺又聽無情子規嘯了新箋譜恨零絲彈怨分明畱得
冰綃淚背寒楓路隔鶯波杳黃昏水驛消他幾度涼蟾
暗中兩鬢催老 征塵暫洗短檝西冷趁鷺鷥最好祇
憶著孤山斜畔溼霧淒煙曠卻殘梅凍枝開早危亭斷
蘚雲廊何處珠噉香笑渾未見黯林陰都入荒鴉弔傷
心休問江南過得春深亂紅待埽

鵲橋仙

鷗鄉波小雁程風穩迤邐江村煙岸青山也怕送愁來
看隔著行人漸遠 心情漂絮芳華逝水回首都成悽
黯歸家已是落花時正打點一湖絃管

疏影

夢香招同若溪仲直遊虞山嚴公祠看桂歸集

吹月填詞館

魚雲縹緲卷霽空淺鵲閒步晴麓如此湖山吹出秋聲
只有一枝橫竹層厓路轉蒼苔細又贈我半襟幽綠正
畫闌簌簌飄金占取冷煙濃馥青鬢相看俊侶盛年
付逝水休負酈醪便擬今宵喚卻姮娥高駕一輪寒玉
空階絮盡霜蛩語更莫賦清商淒曲洗翠尊重話朋歡
瘦影暗消簾燭

虞美人

春深一片花開處不見春來路江南春好縱堪憐怕又
杜鵑聲裏似今年銀箋擬把閒愁送一霎瓊樓夢無
端催醒恨唳鴉依舊閒愁不斷繞天涯

摸魚子

秋晚偕夢香仲直之木瀆舟中同賦

墮溪雲悄尋鷗夢絲絲吹作

去聲

涼雨枕流一帶人家好

只隔暝煙深樹秋又去問征雁行邊那是秋歸路吟情

暗苦賸蒹葭岸清砧蘆漪斷篴替與訴幽緒桐橋畔曾

記花嬌鶯語篷窗青鬢重聚霜天翻盡淒紅色卻有冷

楓閒舞君且住應喚取吳娘商略尊羹煮還招俊侶趁

酒霧飄愁茶香寫韻和醉度簫譜

三姝媚

遙岑濃翠歛正空煙淒淒半湖星點望眼蕭寥更幾聲
柔艣暗催腸斷那識愁人紅一穗寒釭相伴惆悵今宵
賸有吟箋寫將幽怨夢醒天涯人遠記柳外行舟絲
絲曾綰便是歸來料青衫依舊淚痕難澣待得花時棲
未穩呢喃雙燕謾想波鱗吹縐吳船倚徧

金縷曲

李氏婉雲夢香聘姬也未嫁而天夢香悼之作
秋舫浣雲圖屬予題詞并記紫鳳樓降乩事爲

賦此解

三五明星夜，菱鸞箋，眞珠密字一行行。寫露灑秋江涼。
照影采得芙蓉滿，把待小閣濃熏沈麝。不是神仙緣分，
少爲情多未許。蘭香嫁環佩，杳付淒話。鴛鴦慣認羅
裙衩，怎作去聲了伶俜。瘦蝶粉痕都化，一片香蕪埋玉地。
從古芳華易謝，更莫想天風吹下。十二瓊樓高處望，看
萬紅如洗。春歸也，銀漢迴淚波瀉。

西子妝

柳意絲絲苦，紋點點，獨自深深庭宇。征鴻難得到江南。
笑閒鷗，怎知辛苦離懷漫與。且分付十平聲三等柱，最難

忘有故人相約紅樓聽雨
樓頭望隔著重簾便抵天
涯路桃花已是恨飄零甚
劉郎尚思前度流光易誤
趁雙槳桐橋西去任銷凝
廿四番風細數

眼兒嬌

秋試被放旋有騎省之倬
倚聲自遣滋益潜然
女牆西畔又唳鴉門巷認
誰家西風簾卷更無人影
休說黃花從前離恨今番
覺絲鬢透霜華一杯冷酒
兩行熱淚了我生涯

金縷曲

涼影秋河瀉恁無情山鐘
幾杵作

去聲

成長夜只有嬌娥

淒怨共一幅蘆簾早卸又碎雨飄蕭鴛瓦窗戶陰陰蛩
語斷向蠨蛸敗壁看遺挂拈賦筆恨難寫三年記取
零星話算雙眉顰痕未展自從初嫁草草年華容易病
閒卻熏籠炷麝但夢裏瓊瑰盈把忍對寒釭和淚坐莫
魂歸依舊空房怕風作起素幃下

少年遊

春寒惻惻畫樓陰風定篆烟沈番番有淚番番無夢長
是擁孤衾近來雙鬢絲絲換時節易侵尋桃花漠漠
絮悵悵說不盡杜鵑心

西江月

悼往用耒邊詞韻

認我離鸞撇笛輸他小鳥銜巾畫眉人是送春人廿四
番風剛盡 淺淺銀河鵲影絲絲玉網蛛塵月鈎鈎出
斷腸痕添箇蘭燈蓬鬢

望湘人

十八夜對雪

是鮫宮碎翦千段素綃暮雲低處催送暗溼煙疏旋

去聲

封露梵灑滿青青苔空綠鬢痕彫翠尊懽減吟懷難縱

作

去聲

畫樓闌夜沈沈幾箇鴛衾同夢

絲帽溫鑪自擁

任團來飛絮壓檐寒重又紅暈蘭缸照著淚波先凍羸

娥去後問誰騎鳳怕聽瓊簫淒弄只喚醒幾樹梅花說

與玉

平聲

胎齊動

拜星月慢

對雪有懷西湖舊游卽寄夢香

訪荔衫輕穿苔鞵溼畫裏湖樓同住柳未眠時已漫天

飛絮

西湖三月逢雪

俊遊好記得聽鶯細雨牆外繫馬斜陽橋

塊酒霧歌雲惹春痕無數奈怱怱載得愁歸去小庭

畔又作

去聲

堆鹽處只自翠減香消換當初情緒付吳箋

少箇填詞侶寒鑪擁那識相思苦甚日共一舸西溪看

梅花千樹

御街行

寄姚訪蓬友壻都中

峭帆催送章江口正橘柚黃時候綠沈鏤管共題詩銀
沫吳牋裁就看花人好兩年畱住揩淚青衫又魚鱗

六六緘曾剖問我到長安否無情只是惱寒鴉啼徧白

門楊柳一鞭風雪劬驢容易來蕢旗亭酒

君以丁卯戊辰兩試京兆

予亦作
北上計

風入松

西湖感賦

鴨頭波淺蘸晴霞風颺荇絲斜落紅吹作

去聲

相思淚倩

啼鵲說與桃花處處飭簫巷陌年年燕子人家樓陰
如霧霧橫紗鬢影翠屏遮鈿車不碾西泠土繞垂楊幾
點昏鴉懊惱春歸時候隔牆誰訴琵琶

琴調相思引

一角羅衫換舊熏嬾將心字檢迴文此情深淺且視手
中樽銅膽雙瓶分貯水鐵心孤卉不知春夜涼飛夢

和月墮江村

梅一名
鐵心花

玉漏遲

初寒

露蛩聲又杳空庭只有昏鴉啼到雪意三分先是一分

風峭記起桃鬟舊日喚香餅熏籠添了還自笑翠圍暖
帳從今緣少 寂寥且對清尊試說與梅花可能開早
雁字行行寫出玉關淒抱紅賸江楓幾樹付一片荒煙
殘照青鬟好絲絲易催人老

渡江雲

欲雪

苔陰連暝色捲簾試望天壓凍雲低暗鐙圓暈小最怯
霜風一綫透采恩烘鑪自擁想紅樓淒斷冰絲還共看
平聲玉梅禁冷無語向輕澌 誰知青鴛信杳白鵲緣慳
賸銀花牋紙又記起前番庭院飛絮催詩漫空攪得天

花碎問多少瑤想瓊思人縱遠如何雁也來遲

南浦

水仙用玉田體

瑤窟自飛來抱冰蕤一縷紅情難染鉛護綠房深重簾
近那許細鉤低捲淩波鞵小通詞慣曉春深淺風露含
愁嬌不語化作去聲月窗寒豔明明如玉生煙甚涼痕

蘸淚還凝半點宮樣靚妝成江南去重賦采珠清怨柔

魂脈脈蘄腸休作

去聲

詞人伴畱與湘娥描倩影分付翠

綃輕翦

探春

蠟梅

蝶翅慵黏蜂腰軟掠斜陽芳信初逗豔寫金花香融玉
蕾值喚鶯兒消受人在長門裏正淡月昏黃時候嬾將
密炬重燒淺顰微倚宮袖 惆悵素娥知否怕額底輕
寒鈿簫吹透嬌不勝烘病還添韻珍重淚痕緘就幾許
江南路早一捻九封搓縐沈水熏來絲絲先帶春瘦

一枝春

天竹

顆顆春圓捧盞盞一曲雕闌低並珊瑚淚迸替寫舊時
離恨蘿陰白倚颭風影燕釵淒冷冰鏡曉斜對瓊枝懶

髓凍痕新凝 瀟湘記通芳訊借啼斑染徧相思重省
鉛華喚取最好膽餅長浸張來素壁看去聲添畫幾重朱
暈休等到紅豆生時翠蛾瘦損

絳都春

迎春花

東風尙嬾倚舊日畫屏花魂重款瘦影乍窺嬌小金英
韶華占柔旛悄約深深院定催到樓頭絃管沍寒消後
顰紅媚紫幾回看徧 人遠吳宮夢冷自香斲繡陌鈿
車來緩記否去年只與霜紅添悽怨今番莫等流鶯喚
費一點斜陽烘暖便教移近窗紗翠溫霧軟

玲瓏四犯

木瓜用夢窗體

幾徧摩挲是露滴霜勻香透絲縷掩映檀紗風靜峭寒
窗戶相對配有詞人正紉裊篆煙如霧帶繡文袖底攜
來還記翠嬌肩嫵 畫闌交午曾凝竚暈紅腮粉妝遮
住相思一任春蔥搯添卻癢痕無數休道剖了并刀未
剖先知酸楚臘舊愁難遣芳醞好重傾注

宴清都

香櫞

風味添蘿屋秋霜飽翠盤容易堆足輕圓比似新橙透

甲嫩黃嬌綠休教麝炷閒熏靜畫裏芳馨自撲簪繡絨
挂向牀頭笑伊纖手難掬來時雁驛重重紅閨誰刺
奇豔花簇玲瓏樣好團圓分淺可憐幽獨明窗不到纖
塵更商略香東研北破軟羅畱勸深杯吳柑釀熟

鵲橋仙

啼紅人杳流紅信杳芳事和誰商略一彎蛾影瘦於秋
照不到畫樓西角琴心彈冷笛心吹冷燕子輕陰簾
幙春痕如夢著梨花又記起翠羅衫薄

采桑子

鴨心香炮重簾護燭淚星星月冷疏櫺夢隔梅花只一

層層寫破相思影莫照圓冰花太玲竈玉笛飛來
夢又醒

甘州

歲晚無慘往遊根觸故人云逝愴然於懷賦此
以寫我憂

把玉簫吹破萬花陰豪氣壓層樓正疏蟾挂曉柳絲蕩
碧縈漾春愁短褐重逢詩老談笑習風流偏恨潮來往
直送飛舟 一自中仙歸去只暗鐙山鬼冷泣詩秋最
難禁舊雨零落問雙鷗向酒壚幾番判醉怕羊曇醒眼
過西州知多少有斜陽處華屋荒邱

探春

寄居書感

硯凍輕澌鑑縈細霧重簾猶帶寒色綵勝家家春盤處
處獨自巡檐悽戚聞到梅花否早冷了故人消息畫梁
空記巢痕怕他歸燕難覓迢遞暮煙吹碧有卧柳絲
絲風颺無力芳草隄邊王孫老矣孤負翠翹珠勒腸斷
西泠路記小飲水仙祠側醉眼湖山橫空飛下孤筵

解連環

和玉田孤雁

玉門秋晚正關山過處冷笳吹散自那日片影分飛便

羞寄錦書畫樓人遠莫是相逢又錯

去聲

認荒林鴉點向

蘆花細問霜風乍緊暗沙遮眼

斜陽去時冉冉怕書

空未了者番羈怨想暮雨催到江南總淒斷春蕪敗郵
難轉叫破重雲算未必彩鴛能見有征衫同恨飄零一
天絮捲

鎖窗寒

用玉田悼中仙韻悼夢春

絮燕畱春霜鴻叫夜小門橋外相逢酩酊半在玉梅香
裏想西泠前年到時浪花冷撥湖雲碎把新詞譜了書
幫歌扇俊遊風致應是逋仙意喚翠羽相招黯傷逝

水

一本水韻
作去字

蘿荒荔老底事又添湘鬼

從清真體此
句作六字

付

沈冥孤煙自銷千秋峴首空墮淚櫂輕舟重過鷗鄉斷

夢尋殘葦

木蘭花慢

倚醉放歌錄示同輩西生謂狂過玉田也

問胡牀談詠可比得晉風流看袞袞江橫蕭蕭木落萬
古詩愁荒邱亂煙自擁笑蓬萊那見有歸舟惆悵三生
杜牧迷離一夢莊周 休休破帽籠頭空結想五湖遊
嘆畢竟無能鸞還可鍛鳳也容囚紅樓定知醉了喚雙
鬟幫帶繫筇篻瘦卻垂楊多少何人尙說封侯

念奴嬌

友人自溫台歸歌以贈之

壯遊千里看苔痕還漬一雙吟屐知是桃花零落盡休
問天台消息雁影峯高江聲竹暗淒話添今夕贛洲譜
未翠箋鐙下重壁只恨宿草青青詞人何許怕聽山
陽篴謂亡友夢香典了鸛裘琴劍冷容易教人頭白鷗外煙
波蘆中風絮爾我都如客酒尊休放玉梅應嘆岑寂

點絳脣

數徧花風亂紅吹斷闌干影舊時菱鏡怕照星星鬢
一樣春宵只覺蘭釭冷三更盡夢和伊近猶問恹恹病

高陽臺

香徑交紅雲疏蘸綠一天微雨初晴欲喚蘭橈山塘尙
少人行枝頭鶯燕樓頭簫甚聽來總是離聲況隄邊一
抹煙蕪早又青青傷心舊雨今何處漫鐙前商略茶
話詩盟病起新寒如何忘了清明勸人只戀江南佳算
前番杜宇無情恁恁飛絮飛花吹滿春城

摸魚兒

小樓頭雁繩吹斷低空思向誰訴雙飛那有鴛鴦分枉
了銜蘆辛苦何處去想不到斜陽一角棠梨樹離鸞未
譜早篆鼎香銷瓊壺淚凍淒絕夜窗語重簾外銀箭

聲聲催度暮天還自凝竚牆陰老徧莓苔色猶認那時
庭戶春幾許也不管楊花飄雪桃花雨傷心記否有森
森江流彎彎月子曾照舊眉嫵

惜紅衣

替挽靈蛇閒熏寶鴨晝長春暖屨印弓弓蘭房自行慣
惺忪軟語還認作

去聲

樓頭鶯燕腸斷鎗炮酒醒隔桃花

人面銀屏夢淺誰共芳姿風前倚團扇江波兩槳重
語畫闌畔看到兩峯南北一片妒羅雲散是風簫吹歇
添了淚痕紅泣

減字木蘭花

閨情分集詩牌

蘭愁壓鏡鵲鎖沈煙和瘦影細數花期一翦春陰護蝶
衣深深庭院綠繡苔鋪榆莢滿人正垂簾燕子歸來
繞畫檐

探春

蛾月彎初雁風尖後詩愁催上眉睫試約雙橈尋鷗問
鷺一片湖波空闊流卻相思去總不是舊時紅葉水窗
還對清尊絲絲容易華髮樓上錦箏彈歇甚露泣珠
啼人又傷別春到誰邊玉梅知否瘦牘二分香雪斜日
桐橋畔莫數到看花時節幾許心情料他鶯燕能說



齊天樂

荏平題壁

郵亭綠牘絲絲柳遙山更無晴碧短缺隨身驚沙撲面
那似尋春芳陌青衫淚積況鈴馱聲中亂煙荒驛望斷
天涯十年前已倦遊客松醪村釀自好翠尊還共飲
聊破岑寂豆蔻香飛琵琶調苦何事恩恩行役題詩敗
壁看多少離人斷灰殘墨喚起歸魂曉涼眠未得

水調歌頭

寄酉生

飛夢隔斜漢無計訴相思重逢知更何日愁挂碧蘿枝

沒箇燈邊共話沒箇花時同醉沒箇解新詩星冷塞笳
咽霜雁去遲遲問而今還記否舊遊時青衫大都狂
態催和冶春詞聽徧零箏斷箏看徧嬌紅柔綠添了鬢
絲絲寄與鷺鷥說莫忘上聲五湖期

臨江仙

紀事

鳳尾胡槽纖手撥燈前小按梁州畫裙不繫也風流紅
香兜著替與熨蓮鉤喔喔酸雞都唱了青絲催結驂
驢蘭情一點付秋眸鴛衾剛疊略坐看梳頭

玉京謠

贈歌者鎖兒

密意緘銀鑰數徧闌干碧玉真年紀雪挽胡槽口脂吹
破紅賦且莫把金鏤箱開等製就沉香雙履添淒思銅
鋪月冷阿甄來未 雙文好借葳蕤字壁蓮絲看舞裙
穩繫銅合收來相思紅豆應寄問甚時纔得開籠算只
有鸚哥能記閒嬉戲偷把畫屏風倚煙花記陳宮人有
沈香履箱金屈膝
李賀詩屈膝銅鑰鎖阿甄菱鞋鎖金鏤相連見錄異記
素絲鎖連之帶見琅嬛記杜牧詩銀鑰卻收金鎖合
信鑑賦舒屈
膝之屏風

南鄉子

蘭夜沈沈一簪香潤熨羅襟膩枕蠶拖釵半繞天曉紅

壓繡衾鴛夢小

前調

坐傷翠鬟邊纔是歡筵又別筵酒盞深深和淚注休去
門外馬嘶畱不住

鵲橋仙

毘陵舟次

波搖樹影風搖燭影愁裏又停雙鰣短衾渾是不成眠
也莫怪篷窗夜雨 回家二月離家二日減了吟情無
數短筵渾是不成書待分付征鴻休去

六么令

篷窗孤坐追念舊游賦此寄蘭如

明蟾三五端正照離席桃鬟最憐嬌小眉颦柳絲碧不
管東陽瘦損暗把春心擲絮雲無迹江風片霎催送天
涯遠行客還記熏鑪錦薦暖倚流蘇側此後誰研銀
箋賦驚鴻標格料得惜惜小巷軟霧吹簾額暮鴉荒驛
寒楓幾片何處樓頭正飄蓬

薄倖

凍雲成片夜更靜籠鑪未暖乍記起明鐙飄颻一桁湘
簾低捲話春明嘶到斑駁銀燭翠袖恩恩餞看絮影迷
濛段家嶺外一路鉤輈聽徧況又是孤舟裏凝望眼

春令閒門暖風起定有楊花吹入離夢還惹柔香啼巾
寄紅溼人縱遠青溪自近試重語軟波雙楫脆影鴛迷
遊絲燕惱無奈今昔料依舊釵霧衫雲算如此年華
半淒瑟煙鎖幾分殘黛替秋山描出題恨杳霜楓漫舞
付斷鴉盡是愁色可記邀月簾櫳夜涼橫簫

法曲獻仙音

題徐竹薌研北花南詞集

瑤想三生絮愁千種消得芳韶如許翠屋雲深繡屏香
軟聽來斷腸箏語悵杜牧尋春徧春痕了無據恁情
緒問垂楊舊枝攀盡明月好樓上玉人在否鬢影照邗

江蕩空煙和恨流去
研了吳箋付歌脣重唱
金縷怕鶯聲淒寂
又是落紅庭宇

金縷曲

高紫嵐舍人見示廢書嘆讀之慨然因作此解
識字真堪痛甚年年春花秋月等閒拋送
綠幕黃簾鐙影裏一束殘書自擁有幾箇
文章鸞鳳休對青衫誇利市便宮袍換了
成何用都付與覆蕉夢寒窗我亦山
肩聳看槐黃番番瑠瓠醉眠糟蘖織盡機
絲花樣改漫說鍼穿七孔只聽得候蛩淒
諷縛箇團焦牛磨轉把鉏犁且買秧田種
歸去好問誰共

解連環

題孫子和月底修簫圖

白門秋半記冰蟾
蘸影晚涼池館倚畫簾
盼到傾城有衣上新香玉簫吹暖
儘說相思怕未必黃衫能管只啼
鵲聽去聲得悄約花時訴與幽怨
江城幾番悵斷把斑駁繫了綠楊絲
短想翠蛾消盡春痕問飄泊誰邊夢和
人遠莫話前游總一樣雪團雲散又
長安自醒自醉自題畫卷

念奴嬌

用竹垞度居庸關韻題尤信甫居庸吟翠圖

昌平西北有雄關壁立馬蹄冰溜苔磴盤盤深翠裏不
是雁來時候草沒遼宮煙低秦塞攀盡千條柳君胡爲
者據鞍此地來又多少謫宦淒涼茸衫氈帽愁說張
家口四扇門開刁斗靜鎮日摩挲銅獸杳杳邊牆荒荒
大漠今古嚴封埃不堪憑弔白雲化作去蒼狗

摸魚兒

題秦澹如藕湖漁隱圖卽送其南歸

擅才名早輸秦七旗亭傳徧詩句馮唐老矣纔相見猶
見舊家風度君又去最好是扁舟藕蕩重話雨郵程細
數柰雁底霜嚴蛩初風緊天曉馱鈴語江南岸葉葉

寒楓瘦舞清遊應問鷗鷺軟紅只戀飄蕭鬢回首故園
何處聽杜宇又聽去聲到山陽怨遠聲更苦西生他時記
取有千里萼香四腮鱸好商略載漁具新逝

琵琶仙

石帚自製黃鐘商調也辛丑九日詠我招飲賦
呈此解孤懷沈寥不自覺商聲之觸指矣

霜葉吹空宦情冷柰我棲遲京國衰鬢還對黃花西風
最蕭戚秋漸老江亭怕倚爲經了幾番離席月桂緣遲
煙蘿夢窈心事誰識再休負紅燭開尊且同把雙螯
醉今夕看到翠荒苔古早蛩螢聲寂星闌淡關河雁去

想戍樓盡是寒色試問尊脰鱸香甚時歸得

瑞鶴仙

題陶鳬菴前輩客舫填詞圖是圖作於庚申之
冬四十有二年矣

替湖天寫影記六柱船窗畫衫閒凭蓬萊換清境有條
鈴深護槐廳人靜溪鷗自等訴相思垂楊弄暝對題紈
紅燭帛紗苦憶暮潮煙艇還問褰帷翼北擁節荆南
幾多名勝詞仙管領應添箇翠微幃又春明重話銀尊
誰勸先把玉

作平聲

梅喚醒料寒江吹盡霜蘆絮搖萬頃

青玉案

至菩薩蠻五闋俱以詞調名集成之

垂楊疏影臺城路一絡索黃金縷翠羽聲聲畱客住西
樓樓上紅情如夢月底修簫譜露華霜葉飛南浦憶
闌紗窗恨眉嫵解珮擷芳芳草渡孤鸞消息海天闊處
一片芭蕉雨

唐多令

繡帶解連環風流憶少年占春芳如此江山阿那柳腰
輕簇水深院月小闌干金盞惜餘歡鞦紅翦牡丹望
雲涯引醉花間十二時無愁可解春去也怨朱絃

蝶戀花

揉碎花牋新念別別怨陽關一半羅衣溼庭院深深春

草碧輓轡金井芙蓉月 河轉東風齊著力綠意紅情
錦帳春消息樓上玉人歌白雪珍珠繡帶丁香結

江城子

探春春曉摘紅英賣花聲隔簾聽睂嫵風流疏影柳梢
青調笑翠樓鸚鵡曲端正好凭闌人 瀟湘夜雨碧雲
深剔銀鐙訴衷情芳草闌河薄倖怨王孫欸乃扁舟尋
舊約南浦月月中行

菩薩蠻

春風嫵娜垂楊碧西湖撥櫂雙鸂鶒消息杏花天翠樓
人月圓 鳳簫吟白紵別怨陽臺路金縷鎖窗寒箇儂

愁倚闌

右曇雲閣集吳縣曹良甫廉訪撰詩八卷附錄外集詞
各一卷按自序云古今體詩五卷今得八卷又附錄二
卷僅存其一隨筆一卷已闕蓋續刻時所增刪也廉訪
爲道光戊子舉人壬辰進士選庶常改刑部主事由御
史轉給事中咸豐初劾術士薛執中爲世所稱後官至
湖北按察使遭粵逆之難旋卒生平敷歷中外錚錚有
聲其詩出入風雅抒寫性靈亦不愧作者生前手自編
刻兵亂後版籍俱失近幾無知者矣吾師恩竹樵方
伯曾與同官刑部相唱酬存其全集四冊恐久而泯沒
捐俸重刊屬任校讐之役前五卷字體完整後三卷間

有錯誤略爲更正卷末病中雜遣二十首佚十五首無
可補遂闕之光緒二年十二月刊竟謹誌大略秀水杜
文瀾